



Seizhah gyoengqvunz vad ruz dwkbya.

Rog cueng fwn doek daengx hwnz, baihrog cij ndaej nyi sing fwn doek daeuj gwnz namh “dikdaek dikdaek”, hawj vunz gyanghwnz ninz mbouj ndaek.

Geiq ndaej seiziq, hix ciengz youq bakcueng roxnaeuz lajroq yawj fwn, yawj gyoengq bo baq deng fwn soen、deng fwjmok heux, caeuq doengzdoh naengh youq lajroq eu fwen rwenz.

Youq giz dou, miz gij angq gag duh aen seizciet he. Ndwencieng dou gaj mou gaj gaeq, caemh gwn caemh angq. Lwgnyez bae ranz daiq aeu gagaeq、aeu faengx hung caeuq aeu cienz cieng, ndaej daenj buh moq vaq moq, mehmbwk lij ndaej daenj haizva meh saek moq. Mbwn laep couh doxiu dawz dendungz okrog youz, mbauqsau baenz gyoengq, okbae

daengz gyanghwnz lij mbouj nyienh dauq, bae daengz gwn haeuxcaeuz mbouj vangq. Meh naeuz, seiz de lij coz, ndwencieng coit daengz cibhaj, mbauqsau gyaе’gyawj cungj daeuj bakdah doiq fwen, ciengq ndaej bwtdaep fouz. Byawz mbouj rox eu fwen caeuq bouxlaux naengh youq henz feiz cungj deng gyoengqvunz riu. Daengz sam nyied sam, aenvih aen mbanj ngoenz guhhoh mbouj dox–doengz, ndigah dou ngoenz he youq mbanj neix caemz, ngoenz he youq mbanj de youz. Dou gwn haeuxnaengj haj saek, caemz gyaeqnding, mbouj ngah gijgwn ngah gij angq gij faengz doxcomz. Bouxlaux naeuz, gvaq sam nyied sam yaek aeu nengz naz caeuq bya dah bae caeq cojcoeng, baenzneix dahsau couh doxiu roengz dah bae

Ndwenngoenz Lumj Dah Lae

似水流年

□ Luz Fwncangz Lij Sunfwnh / 卢奋长 李顺芬

dwk nengz, daegmbauq couh roengz dah bae dwk bya.

Seizhah, gyoengqdou doxcomz guhdoih bae ndaw dah youzraemx, daj baihgwnz youz daengz baihlaj, daj haenzneix youz daengz haenzde. Seizde lij iq mbouj rox bo sang raemx laeg, mbouj nyi bouxlaux gangj youzraemx aeu haeujsim, gou yaek daidah sam baez. Banhaemh, daeng–ngoenz yaek doek congh, dahsau dawz aenroengz roengz dah ra lwgsae, daegmbauq naengh youq henz dah ep bya roxnaeuz vad ruz dwkmuengx. Youq laj fwjhaemh hoengzfwg, dou youq gwnz raiq buet bae buet dauq, sing riu hongz cienz gizgyae bae. Gwn caeuz gvaq, swiq lwgsae saw cuengq cauq rung, rung cug dawz bae gyang canz dit noh lwgsae okdaeuj gwn, ranznden hix daeuj caemh dit caemh gwn. Gwnz mbwn ronghndwen haufaufau, youq gyang canz, bouxlaux gangj gojgaeq ciuhgonq hawj dou, dou dingq ndaej song da dinghdingh.

Daengz seizcou, ngamq gwn ngaiz gvaq couh gwed ruh bae fad haeux. Maij sing fad haeux “bumjbingi bumjbingi”, maij num gij hom fiengz ngamq gvej, maij youq gyang

doenghnaz gyaep duzdaek, maij youq gwnz fiengz guhcaemz, maij gij angq ndaej demsou. Hwnj bo bae sou makyouz, lumj duzlingz bin hwnj bin roengz, deng sieng in hix mbouj daej mbouj heuh.

Seizdoeng gengxnit, dou doxiu dawz batfeiz bae hagdangz, cuengq batfeiz youq laj daizsaw, caez byoq caez raeuj. Seizde lauxsae insik dou, lau dou nit, baez caengz daengz mbwn nit couh cuengqgyaj hawj dou bae bo aeu fwnz, daengz nit couh hawj dou coemh, gyoengqdou humx dongfeiz, byoq daengz naj nding rwz ndat cij nyienh bae hwnjdangz. Aeu gij haeuxdaeq laux cauq coq daeh, seiz mbouj seiz mbon song naed okdaeuj gwn hix roxnyinh rang dangqmaz.

Seizneix, miz soujgih miz densi lo, dou ndaej seizseiz caemz soujgih yawj densi, mbouj lumj seiziq gyaез okrog bae youz, hix mbouj maij caeuq vunz doiqnaj gangjgangj riuriu.

Ndwenngoenz lumj dah lae, rox bae mbouj rox dauq. Hix byaij gvaq haujlai roen, bungz gvaq haujlai vunz, yawj gvaq haujlai funghgingi, hoeng cix baenzlawz hix ra mbouj raen gij roxnyinh seizhaenx lo.

3. Docih Gij Saw Vunzndei Gien

感谢爱心图书

Vunzndei gien hawj haujlai saw, Cihsiz doxbang loh engq rongh. Rungxbenj lwgnyez caez roxsoq, Haenqrengz bae hag bauq guekcoj. 好人捐赠爱心书,知识扶持希望路。弄贬学子感恩德,发愤学习展抱负。

4. Gwn Raemx Ngeix Goek

饮水思源

Daxmeh guekcoj caen hungmbwk, Rumzcin raeujrub ci sim gou. Daxboh daxmeh ganq goq gou, Ciengx gou son gou mbouj gangj baeg. Lauxsae dwg bouxganqva gaenx, Son baenz hagseng doh lajmbwn. Gwnraemx aeu ngeix giz goekraemx, Docih seiz ndei geiq ndawsim. 祖国母亲真伟大,温暖春风我心吹。爸爸妈妈真伟大,身体发肤受于你。老师是辛勤园丁,教书育人满桃李。饮水思源不忘本,感恩惜福永牢记。

Haj、Ngoenzciet

节日

1. Yenzdan

元旦

2018 yenzdan daengz, Daengloengz hoengzfwg venj bakdou. Mbaenj bingzan, mbaenj ndang cangq, Hohfuk daihgya bi moq ndei. Rumz fwn ngamjhab ndaej fungsou, Hagsib cinbu haibak riu. 2018元旦到,张灯结彩真热闹。祈平安,求健康,祝福大家新年好。风调雨顺收成高,学习进步开口笑。

Go Lwgnyez Ndaw Hagdangz

校园童谣

□ Vangz Gveiyangh / 黄桂香

2. Cingmingz

清明

Baez daengz cingmingz fwnmonmon, Va hai roeg ciuz hoenghhumhum. Ranzranz cungj bae nyaengq nazreih, Ndaem duh ndaem gva youh ndaem haeux. 清明时节雨丝丝,雨润花开鸟鸣涧。家家应时忙农事,种瓜点豆又插田。

Seizciet cingmingz fwnmoenqmoenq, Haeuxnaengj hajsaeк caeq cojgoeng. Binjdwz cojgoeng son lwglan, Daihdaih swnjeiep cienz fanh bi. 清明时节雨绵绵,五色糯饭祭祖先。家风清正承祖训,子子孙孙传万年。

3. Sam Nyied Sam

三月三

Ngoenzciet Bouxcuengh sam nyied sam, Haeuxnaengj haj saek hom gwnzbiengz. Eu fwen diuqfoux doxciengj domq, Beixnuengx ndiepcingz iu mwngz daeuj. 壮族节日三月三,五色飘香糯米饭。绣球山歌竹杠舞,我们盛情邀你来。

4. Ciet Lauzdung

劳动节

Daengngoenz bin mbwn daj baihdoeng, Ranzranz cungj bae nyaengq guh hong. Ndwenngoenz diemzvan daj lawz daeuj, Aeu gaenx guh hong caux ngaenz ok. 日出扶桑一丈高,千家万户劳作早。幸福生活哪里来?要靠劳动来创造。

Ngux nyied it hauh ciet lauzdung, Daengx guek yinzminz sim doxgiет. Gaenx guh fouqmiz guek maenh’ak, Mbaet gwn mbaet yungh rox gvaq ngoenz. 五月一日劳动节,全国人民心团结。劳动致富国强盛,勤俭节约家和谐。

5. Ngux Nyied Ngux

五月五

Ngux nyied ngux, nyaengq suek faengx, Ndaw dah fanh ruz ceng doxdax. Roq laz hoengh mbwn hwk sien dah, Gyoengqvunz henz dah caeq Gih Yenz. 端午节,包粽子,龙舟竞渡大江中。锣鼓喧天惊河神,屈原深得百姓颂。

Ngux nyied ngux, aen faengx hom,

Gwnz dah fanh ruz ceng doxdax. Roq laz hongzyiengj vunzlai caenx, Cingsaenz Gih Yenz daihdaih cienz. 端午节,粽子香,龙舟竞渡大江上。锣鼓喧天人挤人,屈原精神代代扬。

6. Ciet Lwgnyez

儿童节

Gou dwg guekcoj duj va iq, Hai dwk ronghsien youh gyaеundei. Hagsib cihsiz caen vuenyungz, Aencingz duh dangj geiq ndawsim. 我是祖国小花朵,开得鲜艳又美丽。学习知识真幸福,党的恩情记心窝。

7. Bet nyied Cibhaj

八月十五

Bet nyied cibhaj ronghndwen luenz, Caezgya cungj daeuj gwn nyiedbingj. Ronghndwen rox luenz vunz dauqranz, Doxcomz ndang cangq couhdwg fuk. 八月十五儿明,中秋佳节吃月饼。月儿圆时人相聚,团圆安康享太平。

8. Gouj Nyied Gouj

九月九

Bibi cungzyangz, Ngoenzneix youh daengz. Gyaез laux gingq laux, Daihdaih swnjeiep. Ngonzсim vagut, Heiq hom haeuj ndaeng. Bin hwnj bya sang, Ndawsim hailangh. 岁岁重阳,今又重阳。尊老敬老,源远流长。赏菊观菊,犹有余香。登高望远,心情舒畅。

(sat)